


Analiza vanjskotrgovinske razmjene industrije tekstila, odjeće, kože i obuće u Bosni i Hercegovini za period I – XII 2020 / 2021 godine

- **Vrijednost izvoza industrije tekstila, odjeće, kože i obuće u Bosni i Hercegovini** u periodu I – XII 2021 godine je iznosila 1.525.317.981 KM što je za 159.287.705 KM više od izvoza u referentnom periodu 2020 godine koji je iznosio 1.365.789.276 KM.
- **Vrijednost uvoza industrije tekstila, odjeće, kože i obuće u Bosni i Hercegovini** u periodu I – XII 2021 godine je iznosila 2.033.533.800 KM što je za 284.325.757 KM više od uvoza u referentnom periodu 2020 godine koji je iznosio 1.749.208.043 KM.
- **Ukupan promet vanjskotrgovinske razmjene industrije tekstila, odjeće, kože i obuće u Bosni i Hercegovini** u periodu I – XII 2021 godine je 3.558.851.781 KM i veći je za 443.854.462 KM nego u istom periodu 2020 godine. kada je ostvaren obim od 3.114.997.319 KM
- **Pokrivenost uvoza izvozom** u 2021 godini je 75,01% i manja je za - 3,07 % nego u istom periodu 2020 god. kada je iznosila 78,08%
- **Ukupan promet vanjskotrgovinske razmjene Bosne i Hercegovine** u periodu I – XII 2021 godine iznosio je 36.567.434.522 KM i veći je za 8.527.056.787 KM nego u 2020 godini kada je u istom period ostvarena ukupna trgovinska razmjena države od 28.040.377.735 KM.
- **Učešće industrije tekstila, odjeće, kože i obuće u ukupnoj vanjskotrgovinskoj razmjeni države** u periodu I – XII 2021 je iznosilo 10,28% i povećano je za 1,28% u odnosu na isti period prošle godine, kada je to učešće iznosilo 9,00%

❖ Pregled izvoznih rezultata industrije tekstila, odjeće, kože i obuće u Bosni i Hercegovini u periodu I – XII 2021 godine

- ✓ Iako su sva predviđanja ekonomskih stručnjaka za 2021 godinu (zbog pojave pandemije 2020 god.) govorila uglavnom o negativnim trendovima i laganom povratku na trgovinske parametre od prije pandemije (izvoz na kraju 2020 je bio u padu od -13,5%), uporednim analizama vanjskotrgovinske razmjene BiH u prvih 6 i 9 mjeseci kao i na kraju 2021 godine, a koje su pokazale značajno povećanje izvoza, može se zaključiti da je ekonomski oporavak ovog sektora veći nego što se to prvobitno očekivalo.
- ✓ U prilog tome govore podaci da je u prvom polugodištu 2021 godine tekstilno kožarska i obućarska industrije Bosne i Hercegovine ostvarila ukupan izvoz od 739.566.531 KM, što je čak za 71.386.943 KM više od izvoza u referentnom periodu 2020 godine koji je iznosio 668.179.588 KM. Kako je trend rasta izvoza nastavljen do kraja kalendarske godine, samo u drugom polugodištu 2021 izvezeno je dodatnih 758.751.450 KM proizvoda (porast od 6,25 % u odnosu na prvo polugodište), tako da je ukupan izvoz ove grane na kraju godine iznosio 1.525.317.981 KM (ili 779.882.700 EUR) i veći je za 11,68 % u odnosu na isti period 2020 godine.
- ✓ Naravno, kao i uvijek do sada, najveći izvoz ostvaren je kod tarifne grupe TG 64 - Obuća, kamašne i slični proizvodi,... u iznosu 713.563.471 KM (+ 69,68 mil.KM i povećanje za 10,82% u odnosu na 2020 g.) na koju otpada skoro 47% ukupnog izvoza ove cjelokupne industrijske grane. Najveći dio ovih proizvoda je izvezen u zemlje EU gdje su ponovo, nakon otvaranja i ukidanja lockdown-a, najznačajnija izvozna tržišta: Italija, Njemačka, Hrvatska, Francuska, Slovenija, Austrija, Slovačka republika, Srbija, Mađarska i Holandija. Zatim slijede TG 62 - Odjeća i pribor za odjeću, osim pletenih kukičanih proizvoda u iznosu 294.014.144 KM (+39,67 mil. KM i povećanje za 15,60% u odnosu na 2020 g.) koja u ukupnom izvozu grane učestvuje sa oko 19,30%, TG 61- Odjeća i pribor za odjeću, pleteni ili kukičani proizvodi u iznosu 284.194.779 KM (+49,07 mil.KM i povećanje za 20,87% u odnosu na 2020 g.) čije učešće u ukupnom izvozu iznosi oko 18,63%, te TG 41 – Sirova krupna i sitna koža sa ili bez dlake u iznosu 59.654.674 KM (+22,38 mil.KM i povećanje za 60,04% u odnosu na 2020 g.) čije učešće u ukupnom izvozu iznosi oko 3,92%.

Ukupan IZVOZ industrije tekstila, odjeće, kože i obuće u periodu 2014 - 2021



Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

Na grafičkom prikazu kretanja izvoza industrije tekstila, odjeće, kože i obuće u periodu 2014 – 2018 godina, evidentan je konstantan porast izvoza koji je sa 1,26 milijardi KM u 2014 porastao čak na 1,60 milijardi KM u 2018 godini.

U 2019 je zabilježen blagi pad od oko 18 miliona KM, dok je u prvoj godini pandemije smanjenje izvoza vratilo ovu industriju skoro na početne parametre iz 2014 godine jer je izvoz pao na 1,37 milijardi KM (- 231 milion KM).

Ipak, u 2021 godini zabilježen je veći oporavak od očekivanog, pa je u prošloj godini izvoz opet povećan na 1,53 milijarde KM (+ 157 miliona KM).

Tabela 1. Izvoz industrije tekstila, odjeće, kože i obuće po tarifnim grupama u periodu I – XII 2020/2021

| IZVOZ industrije tekstila, odjeće, kože i obuće I - XII 2020 / 2021 (u KM) | | | | |
|---|--|----------------------|----------------------|-------------------|
| TB | Grupa proizvoda | I - XII 2020 | I - XII 2021 | Indeks promjene % |
| 41 | Sirova krupna i sitna koža sa ili bez dlake | 37.274.837 | 59.654.674 | 60,04 |
| 42 | Proizvodi od kože, sedlarski i sarački proizv. | 53.725.670 | 49.581.783 | -7,71 |
| 43 | Prirodno i vješt. krzno, proizvodi od krzna | 4.630.746 | 4.589.921 | -0,88 |
| 50 | Svila | 160.310 | 335.809 | 109,47 |
| 51 | Vuna, fina ili gruba životinjska dlaka, predivo i tkanine | 1.921.711 | 1.270.319 | -33,90 |
| 52 | Pamuk | 11.448.501 | 15.719.117 | 37,30 |
| 53 | Ostala biljna tekstilna vlakna | 19.224 | 5.971 | -68,94 |
| 54 | Vještački ili sintetički filamenti | 7.404.319 | 7.850.051 | 6,02 |
| 55 | Vještačka ili sintetička vlakna | 20.929.504 | 24.057.873 | 14,95 |
| 56 | Vata, filc i netkani mat., spec. prediva | 3.452.425 | 4.446.429 | 28,79 |
| 57 | Tepisi i ostali podni pokrivači | 3.852.378 | 1.613.998 | -58,10 |
| 58 | Specijalne tkanine, taftovane tkanine, čipke .. | 5.975.892 | 6.687.062 | 11,90 |
| 59 | Tekstilne tkanine, impregnirane, premazane | 9.672.904 | 11.327.309 | 17,10 |
| 60 | Pleteni ili kukičani materijali | 8.565.644 | 8.230.298 | -3,92 |
| 61 | Odjeća i pribor za odjeću, pleteni ili kukičani.. | 235.124.103 | 284.194.779 | 20,87 |
| 62 | Odjeća i pribor za odjeću, osim pletenih kukičanih, | 254.342.122 | 294.014.144 | 15,60 |
| 63 | Ostali gotovi proizvodi od tekstila, setovi, iznošena odjeća | 59.394.877 | 30.435.219 | -48,76 |
| 64 | Obuća, kamašne i slični proizvodi, dijelovi tih pr. | 643.883.670 | 713.563.471 | 10,82 |
| 65 | Šeširi, kape i ostale pokrivke za glavu | 4.010.439 | 7.739.754 | 92,99 |
| | IZVOZ UKUPNO: | 1.365.789.276 | 1.525.317.981 | 11,68% |

Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

Jedan od najvažnijih razloga za ovakvo pozitivno stanje i generalno povećanje izvoznih rezultata industrije tekstila, odjeće, kože i obuće je svakako snažan rast inostrane potražnje za proizvodima iz Bosne i Hercegovine i regiona uzrokovan činjenicom da mnoge kompanije iz Evropske unije, koja je i dalje naš najvažniji trgovinski partner, sele svoju proizvodnju iz Kine, Azije i trećih zemalja bliže matičnim državama (tzv. „nearshoring“) pošto su im troškovi proizvodnje i cijene transporta značajno poskupili.

Tabela 2. TOP 20 DRŽAVA u izvozu industrije tekstila, odjeće, kože i obuće u periodu I - XII 2020/2021


| IZVOZ industrije tekstila, odjeće, kože i obuće - TOP 20 DRŽAVA I – XII 2020 / 2021 (u KM) | | | |
|---|--------------------------|----------------------|-------------------------|
| RB | Izvozno tržište (Top 20) | I - XII 2021 | Učešće u ukupnom izvozu |
| 1 | Italija | 461.115.007 | 30% |
| 2 | Njemačka | 270.541.304 | 18% |
| 3 | Hrvatska | 222.801.973 | 15% |
| 4 | Francuska | 109.320.949 | 7% |
| 5 | Slovenija | 105.735.827 | 7% |
| 6 | Austrija | 94.919.550 | 6% |
| 7 | Slovačka Republika | 42.798.654 | 3% |
| 8 | Srbija | 36.491.580 | 2% |
| 9 | Mađarska | 34.138.974 | 2% |
| 10 | Holandija | 23.641.938 | 2% |
| 11 | Švicarska | 23.226.888 | |
| 12 | Švedska | 15.222.484 | |
| 13 | Poljska | 12.569.698 | |
| 14 | Crna Gora | 11.744.060 | |
| 15 | Makedonija | 9.166.838 | |
| 16 | Kosovo | 8.591.404 | |
| 17 | Albanija | 7.253.059 | |
| 18 | Rumunija | 7.187.149 | |
| 19 | Češka Republika | 6.749.099 | |
| 20 | Turska | 5.018.786 | |
| Top 20 država: | | 1.508.235.220 | 98,88 % |
| Ostale države izvoza: | | 17.082.761 | 1,12 % |
| UKUPNI IZVOZ SEKTORA: | | 1.525.317.981 | 100 % |

Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

U protekloj godini, tekstilni, kožarski i obućarski proizvodi iz Bosne i Hercegovine izveženi su na brojna svjetska tržišta, a od ukupno ostvarenog izvoza ove grane u 2021 godine, samo u top 20 zemalja ostvaren je izvoz od 1.508.235.220 KM, što predstavlja čak 98,88 % cjelokupnog izvoza ove industrije. Na vodećim tržištima u prvom polugodištu ove godine je zabilježen rast u dvocifrenim postocima, a najveća stopa rasta je zabilježena na tržištima Evropske Unije i CEFTA zemalja.

Najveća izvozna tržišta u 2021. god, na kojem su se plasirali proizvodi ove industrije su: Italija (30 %), Njemačka (18 %), Hrvatska (15 %), Francuska (7 %) i Slovenija (7 %).

Grafikon 2. TOP 10 DRŽAVA u izvozu industrije tekstila, odjeće, kože i obuće u periodu I – XII 2020/2021



Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

U top 10 zemalja ostvaren je ukupan izvoz od 1.401.505.756 KM, što procentualno iznosi 91,88 %, dok samo top 5 država učestvuje sa čak 1.169.515.060 KM ili oko 76,67 % cjelokupnog izvoza industrije tekstila, odjeće, kože i obuće Bosne i Hercegovine.

Pregled uvoznih rezultata industrije tekstila, odjeće, kože i obuće u Bosni i Hercegovini u periodu I – XII 2021 godine

| UVOZ industrije TEKSTILA, ODJEĆE, KOŽE I OBUĆE I – XII 2020 / 2021 (u KM) | | | | |
|---|--|----------------------|----------------------|-------------------|
| TB | Grupa proizvoda | I - XII 2020 | I - XII 2021 | Indeks promjene % |
| 41 | Sirova krupna i sitna koža sa ili bez dlake | 226.138.620 | 242.460.747 | 7,22 |
| 42 | Proizvodi od kože, sedlarski i sarački proizv. | 63.305.183 | 67.606.596 | 6,79 |
| 43 | Prirodno i vješt. krzno, proizvodi od krzna | 2.561.327 | 1.918.502 | -25,10 |
| 50 | Svila | 2.275.454 | 286.889 | -87,39 |
| 51 | Vuna, fina ili gruba životinjska dlaka, predivo i tkanine | 24.513.092 | 24.547.033 | 0,14 |
| 52 | Pamuk | 43.627.623 | 50.702.822 | 16,22 |
| 53 | Ostala biljna tekstilna vlakna | 1.177.869 | 1.399.032 | 18,78 |
| 54 | Vještački ili sintetički filamenti | 90.744.382 | 109.556.035 | 20,73 |
| 55 | Vještačka ili sintetička vlakna | 73.852.077 | 79.093.696 | 7,10 |
| 56 | Vata, filc i netkani mat., spec. prediva | 74.703.456 | 85.681.250 | 14,70 |
| 57 | Tepisi i ostali podni pokrivači | 34.617.123 | 39.591.497 | 14,37 |
| 58 | Specijalne tkanine, taftovane tkanine, čipke .. | 41.677.181 | 50.672.172 | 21,58 |
| 59 | Tekstilne tkanine, impregnirane, premazane | 107.889.762 | 129.912.250 | 20,41 |
| 60 | Pleteni ili kukičani materijali | 99.167.990 | 115.778.206 | 16,75 |
| 61 | Odjeća i pribor za odjeću, pleteni ili kukičani.. | 260.185.102 | 349.259.119 | 34,23 |
| 62 | Odjeća i pribor za odjeću, osim pletenih kukičanih, | 202.988.577 | 253.914.709 | 25,09 |
| 63 | Ostali gotovi proizvodi od tekstila, setovi, iznošena odjeća | 93.674.125 | 94.810.565 | 1,21 |
| 64 | Obuća, kamašne i slični proizvodi, dijelovi tih pr. | 299.771.247 | 326.050.414 | 8,77 |
| 65 | Šeširi, kape i ostale pokrivke za glavu | 6.337.854 | 10.292.267 | 62,39 |
| | UVOZ UKUPNO: | 1.749.208.043 | 2.033.533.800 | 16,25 % |

Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

Tabela 4. TOP 20 DRŽAVA u uvozu industrije tekstila, odjeće, kože i obuće u periodu I – XII 2020/2021


| Uvoz industrije TEKSTILA, ODJEĆE, KOŽE I OBUĆE - TOP 20 DRŽAVA I – XII 2020 / 2021 (u KM) | | | |
|--|-------------------------|----------------------|------------------------|
| RB | Uvozno tržište (Top 20) | I – XII 2021 | Učešće u ukupnom uvozu |
| 1 | Italija | 319.728.228 | 15,72 % |
| 2 | Turska | 299.460.828 | 14,72 % |
| 3 | Njemačka | 277.758.564 | 13,66 % |
| 4 | Hrvatska | 203.948.422 | 10,03 % |
| 5 | Srbija | 191.965.427 | 9,44 % |
| 6 | Slovenija | 115.191.163 | 5,66 % |
| 7 | Austrija | 107.973.497 | 5,29 % |
| 8 | Kina | 98.281.662 | 4,83 % |
| 9 | Španija | 64.318.683 | 3,16 % |
| 10 | Poljska | 60.686.239 | 2,98 % |
| 11 | Mađarska | 50.011.246 | |
| 12 | Slovačka Republika | 28.990.372 | |
| 13 | Francuska | 28.519.252 | |
| 14 | Holandija | 20.660.800 | |
| 15 | Belgija | 16.179.958 | |
| 16 | Sjeverna Makedonija | 13.205.315 | |
| 17 | Švedska | 12.257.723 | |
| 18 | Bugarska | 11.856.123 | |
| 19 | Češka Republika | 9.925.374 | |
| 20 | Rumunija | 7.340.019 | |
| Top 20 država: | | 1.938.258.896 | 95,31 % |
| Ostale države uvoza: | | 95.274.904 | 4,69% |
| UKUPNI UVOZ SEKTORA: | | 2.033.533.800 | 100 % |

Izvor: Centar za informatiku i statistiku Vanjskotrgovinske komore Bosne i Hercegovine, januar 2022.

Na kraju 2021 godine ukupni uvoz je iznosio 2.033.533.800 KM (ili 1.039.729.322 EUR) i veći je za 16,25 % u odnosu na isti period 2020 godine.

U protekloj godini, sirovine i repromaterijale proizvođači iz naše zemlje su nabavljali u preko 50 država svijeta, a od ukupno ostvarenog uvoza ove grane u 2021 godine, samo iz top 20 zemalja ostvaren je uvoz od 1.938.258.896 KM, što predstavlja čak 95,31 % cjelokupnog uvoza repromaterijala za proizvodnju, sa povećanjem od 16,25 % u odnosu na isti period 2020 godine. Najznačajniji uvozni trgovinski partneri u oblasti tekstila, kože i obuće su zemlje: **Italija, Turska, Njemačka, Hrvatska, Srbija, Slovenija, Austrija, Kina, Španija i Poljska.**

Grafikon 4. TOP 10 DRŽAVA u uvozu industrije tekstila, odjeće, kože i obuće u periodu I – XII 2020/2021



Izvor: Centar za informatiku i statistiku Vanjskotrgovinske komore Bosne i Hercegovine, januar 2022.